

在文川网搜索古籍书
docriver 文川网
古籍书城
获取更多电子书

中國方志叢書·第十五號

據

清·蔡呈韶等修胡虔等纂
清嘉慶七年修光緒六年補刊本

影印


廣西省

臨桂縣志

(全)

1119475

成文出版社印行



光緒六年補刊

臨桂縣志

板存保甲總局



臨桂縣志序

新城王尚書嘗謂前明郡縣之誌無愈於秦其撰者率素人也或以為以地人修地誌故核夫對山五泉漢陂諸君子為一代通材即非其地人為誌必詳且核矣惟其地之才之盛能發揚其先德舉其掌故以為地重為足稱非必其地人為地志始佳也桂林僻處嶺外唐宋而還聞者寥寥無能著述言其風土者如莫休符桂林風土記蔡戡靜江志范成大桂海虞衡志江文叔桂林志周去非嶺外代答類皆宦游斯土者所作惟明嘉靖閒張羽王鳴鳳著桂勝桂故頗稱於時或比於對山之誌武功焉吾邑舊志修於

臨桂縣志序

國朝康熙丙寅雖創自邑人而成於岑溪高公渭南時邑甫離兵燹諸君輩路藍縷之功亦勤矣由丙寅迄今百有餘年無過而問其事者嘉慶戊午奉新蔡侯來宰斯邑懼文獻久而放佚也慨然倡修邑紳士咸踴躍從事侯以予為地人且多暇遂命與族人芝圃檢討分任編纂事予方自揆夤陋無以副侯意既而芝圃服闋入都補官未克卒事哀其草以畀予於是益懼其不勝也會謝蘊山中丞來撫粵西開通志局復不棄謗劣使預分纂統其事者為桐城胡孝廉雒君雒君工古文辭精考據尤長地理學與予最為親密隙日以縣志相商確而侯亦屬雒君裁訂焉通志告成之明年縣志始竣事時

侯已遷任歸順繼者上元金侯踵成之志凡三十二卷

別為三十五類雖未能畢揚先德之休光備一邑之掌故其規模效舊志闕矣是役也始終闕定則二侯體裁筆削則出於雒君若夫蒐羅采訪又周肯之蔡方城諸君之力予僅事編輯如抄胥耳不惟不敢比於古之以地人撰地志者即列名於簡末亦報焉而已
嘉慶壬戌十一月小岑朱依真撰

臨桂縣志序

docsriver 文川网
入驻商家 古籍书城

在文川网搜索古籍书城 获取更多电子书

欽維我

國家重道尊經辟雍而外郡州縣皆立學並以追王

上祀之禮

褒封五代別立

崇聖祠春秋享祀典至鉅也考臨邑學官舊與府學

同祀康熙廿四年始蒙

郡守黃公請以線伯公署改建邑遂有學其後雖

不時修補而自乾隆三十六年邑紳士重建後迄

今越二十七年且後殿又係舊料所建歲久朽蠹

崇聖祠於本年四月初七日坍塌僅餘左右頽垣前

殿及東西廡亦俱就剝蝕

臨桂縣志序

王司鐸通詳

各憲批示籌項興修而都人士僉以邑爲首善人文

蔚起仰沐

聖澤旣渥且深願得相修爲請且云臨桂縣志百餘年

來未經纂修並請合力以成之囑予一言以爲之

倡予雖風塵奔鄙敢不樂成眾美隨

諸君子後以觀厥成哉立册勸捐踴躍集事行見人

文益盛美不勝書官斯土者亦與有榮施矣

嘉慶三年戊午歲仲冬月知臨桂縣事蔡呈詔謹

序

臨桂縣志序目

於赫

聖朝

赤子是保綏其租賦丐其庸調矜此鰥寡致養耆童王政所先天民無告志錫恤第一

班書志地區別星次逮及一行創以兩戒一邑當天嶠角有魏元象渺茫姑存梗槩志星分第二

五行變異向歎所言推原皇極驗以天人縣雖蕞爾政治攸關毋委之數視爲固然志禋祥第三

服嶺以南青草黃茅桂秉淑氣涇渭不涪清風徐來雪片久留古號宜人不減中州志氣候第四

長沙南鄙陸量北境數百里閒疆場斯正維唐維宋載分載併由是而降迄於一定志疆域第五

漢曰始安唐曰臨桂分併者屢更革惟二吳爲郡治梁專闢寄稍摭舊聞徵史所載志沿革第六

桂山秀拔桂水清映岩穴最盛如化人居居者以安游者以娛錄及磨崖用彰名區志山川第七

桂故山國不乏水泉堯山自出爲三百源秦渠攸利唐球未湮食天首重三農賴焉志溝洫第八

桂亦都會衝途浩穰九曲三條名稱日廣遷鸞趙賢傳之古往紀其大凡瞭若指掌志坊巷第九

田里安毗遂人所理溝澮斯判廬舍錯處亥市畢集寅墟復聚郊圻之間亦曰旣庶志村墟第十

勝代末造桂民卒瘁休息百年復之不遠君拜民數聖

式負版書以遺後倍蓰千萬志戶口第十一

俗以土著風則數變嶺表習尚桂爲最善人物豪華訟庭清宴茶山所咏來游者羨志風俗第十二

嶺海之交茲土尤瘠桂蠹虛傳離支不實質之今時取之載籍常品則略浮夸則斥志物產第十三

引灘爲池倚山爲城唐代權輿元室經營易土以石百雉其崇邊隅是鎮特爲金湯志城池第十四

在昔嶺外官多攝居降至晚明始備百司翼然者堂構明而治廩藏舉具庖福以次志屏署第十五

夫子之宮肇基於唐顏李遺址張呂流風綿苑習禮鼓篋橫經善我樸棧濟濟踰踰志學校第十六

式奉明禋吉蠲恭靖定國惠民扞患禦肯南中禮鬼桂人獨屏凡茲所載不越祀典志壇廟第十七

粵惟荆南厥田下中民生詣窳勉力租庸口算不增受資無疆繭絲勿亟顧此細氓志田賦第十八

有地牧民守在倉廩儉則思發豐則思檢堯墊湯亢無憂太甚瘠土之民荒政宜審志積貯第十九

臨山煮海管桑是讓後世本之尤重於嵯唐以佐軍宋歸司漕廣右財賦經費所由志鹽法第二十

明失其馭蠻寇爲虐府江門庭古田肘腋我朝德威靡題蟻伏兵衛森嚴臂指效力志兵制第二十一

桂居嶺首實爲達途羽檄所馳皇華所駐連亭接埃稱
 烏延驚紀其四履道里可數志驛站第二十二
 惟桂設險越城嚴關邑境居中扼塞不存行旅譏阿津
 史晨昏司險達阻亦云備旃志關梁第二十三
 一息之踰己爲陳迹矧此遺區日月所厯顏氏書堂隋
 室禪界或滅或存俯仰今昔志古蹟第二十四
 四部著錄桂士罕見限在嶺隅湮滅過半元豹一文崑
 山一片奕世而後徵此文獻志藝文第二十五
 臨桂緊縣丞尉宜備界在荒遠舊籍失載由唐迄元落
 落數輩晚明以來乃得詮次志秩官第二十六
 薦舉漢法進士隋昉桂雖嶺外材多俊朗東箭南金充
 貢自曩觀文而後科名繼響志選舉第二十七
 在昔蠻荒初承治化文教旣敷保障是藉魂魄桐鄉蠶
 齊樂社民之尸祝敬錄以播志官績第二十八
 古之投竄維嶺以南孤忠偉節或飽瘴嵐桂實樂土以
 蠶以潛不磨之氣神鬼所欽志遷謫第二十九
 衡湘以南厥氣清峭山皆挺拔士秉端操陽德所鍾蔚
 爲忠孝維桑與梓是則是倣志人物第三十
 陰本至柔變爲剛厲所天旣傾之死無二凝妻斷臂高
 行剔鼻桂多貞女亦秉地氣志列女第三十一
 宋之南渡桂勢刀兵湖山尊俎亦可雍容不惟雁戶且
 多寓公中州冠冕翕然從風志流寓第三十二

禪有南宗嶺南自出白鹿闡教盛傳衣鉢靈區奧府亦
 羽人窟二氏之跡不可指屈志仙釋第三十三
 癸水識記不見兵革稽之舊史閒有戕賊逮及李馬塗
 炭已極用告守土思與休息志兵事第三十四
 史失求野秀及虞初說雖叢勝理頗不誣或無專屬或
 取麗辭旣與地關拊歸於餘志雜記第三十五

臨桂縣志銜名

總裁

特調臨桂縣知縣陞任歸順州知州江西奉新蔡呈韶
特調臨桂縣知縣調任廣東香山縣知縣江南上元金毓奇

總纂

孝廉方正六品頂帶安嶽桐城胡虔

布衣臨桂朱依真

分編

上思州學正周維堂

臨桂縣學增生廖肇環

分校

臨桂縣志銜名

舉人鄭光偉

舉人鄧鍾衡

舉人鄧希僑

舉人鄧鍾淑

采輯

湖北試用知縣關維紀

安徽試用知縣李洪儒

安徽試用知縣廖大聞

直隸清河縣知縣歐學孔

博白縣訓導朱純士

生員朱一泰

生員朱標元

生員唐惟器

監生李守斌

九品頂戴蕭儀鳳

簽捐

桂平縣教諭冷其彥

舉人張希呂

舉人龍獻圖

舉人陳詩

舉人黎成績

舉人蔡光灝

武舉李成璐

恩貢蔡光漢

副貢朱賡南

歲貢黃毓瑞

增生唐時中

生員謝廷瑛

生員朱純基

生員劉功

生員劉文蔚

生員莫善齡

監生周維基

臨桂縣志銜名

二

督修

恩

貢 蔡光漢

歲

貢 朱沛瀾

繪圖

武

生 羅辰

生

員 蔡如愚

臨桂縣志

康熙二十二年原修姓氏

桂林府知府八閩 黃良驥

臨桂縣知縣三韓 張遴

湖南宜章縣知縣 潘宏澍

臨桂縣志銜布

王

舉 人 潘毓梧

桂林府教授 岑溪 高熊徵

舉 人 楊文芳

舉 人 黃之梅

生 員 楊恂

生 員 楊愷

臨桂縣志卷一

蠲卹

〔金通志〕順治十二年蠲免十年十一年分未完糧巡撫陳維新題免

順治十三年蠲免十二年十三年分糧巡撫于時曜題免又諭百姓墾荒田官給牛種

康熙十六年八月豁免十六年分錢糧知縣何炳言於巡撫將軍傅宏烈請行豁免

康熙二十二年免十七年以前民欠錢糧稅銀及帶徵錢糧

康熙三十三年蠲免應徵地丁銀米

康熙四十三年蠲免地丁各項錢糧

康熙四十六年臨桂縣額徵折色歲溢銀六十八兩零知縣楊永斌詳請銀隨米減每石減去四合八勺四抄

歲減米一百一十四石四斗零

康熙五十年全免應徵地丁銀并歷年舊欠俱免徵

康熙五十二年免審增丁銀雜派項款永行禁革蠲寡孤獨貧民無以為生者將各省積穀酌量賑濟

康熙五十八年地方災傷已經察勘蠲免賦役

雍正元年免各年久欠錢糧

雍正八年蠲免廣西本年地丁銀

新采乾隆十年蠲免廣西本年地丁銀

乾隆三十五年蠲免廣西本年地丁銀

四十二年蠲免廣西本年地丁銀

五十五年蠲免廣西本年地丁銀

六十年蠲免廣西本年地丁銀

又六十年蠲免廣西次年地丁十分之二

嘉慶二年廣西辦理西隆軍務蠲免西隆州地丁緩徵廣西本年地丁銀

金通志雍正十一年臨桂縣民梁一柱壽百歲給銀建坊

新采嘉慶元年

恩詔者民賞給頂帶三百二十三人

趙清 謝槐山 冷爽 唐緒祖

鄧連璧 余應宗 唐維儀 劉弘烈

黃龍賢 熊建勳 王化蛟 朱依銓

唐之彥 陳昂 龍永洪 汪啟鈺

熊夢詩 梁鴻儒 伍能榮 王子璠

蕭儀鳳 唐業曙 潘雲峰 李克憲

胡洽一 黃世基 陳英明 徐良傑

黃邦奇 朱子仁 唐裕賢 張從祿

朱若盛 朱一暹 馬兆麟 張應舉

黎彰 羅文斌 拱翊藩 莫大川

周龍輝 唐元 李正檀 黃臣爵

劉善桂 傅開亮 楊方基 陽德純

冷 映 唐昌明 于定乾 朱純修

蔣滙谷 唐夢賢 王天璣 周維城

熊文質 張從福 洪天燦 陽宏輝

徐 錦 黃 彪 劉廷勳 梁恒模

周維才 黃景璜 褚東泉 梁年偶

秦朝俊 陸 璣 張 煊 程士珪

呂宣詔 熊之通 劉廷魁 甘濟通

秦玉貴 王濟臣 楊嗣和 黃恒效

案歷代以來賜高年爵級闕以白板授職用隆養老之典行之舊矣

臨桂縣志卷一

三

國朝乾隆元年特舉斯制當時本邑者民必有受

賞者惜檔冊不存莫能舉其名數此次所舉乃

至二百餘人堯舜之民多壽信矣茲錄其年齒

尤高者以彰

恩異云

舊志養濟院在南門外收養民之孤貧者

存恤院在城南收養軍之孤貧者

廣濟院在城東北三里七星山之側收養民之孤貧者

康熙二十五年按察使黃性震建每年官發米四十七

石九斗七升贍養之

黃性震重建桂林府養濟院碑記王制載孤獨者

寡四民而終之曰皆有常饗又曰將襲跛躄斷者

侏儒百工各以其器食之月令季春則以命有司

發倉廩賜貧窮賑之絕為布德行惠先務此以見

古王者於養民治具悉備彰彰可攷是在後之人

師其遺意棲之秣之俾令得所而已京師首善之

地特設養濟樓流惠茲無告直省郡邑如其制凡

孤貧口糧編在賦役全書由來舊矣桂林居粵西

會城煙火較他郡差勝而窮民亦較多向之養濟

一所在于南門外一牛鳴地久付兵火雖余月有

所賑而身歎無棲涼賜奚忍爰捐百金商守若令

借司幕購甓瓦木石若干值雇工若干日葺屋若

臨桂縣志卷一

四

予聞濟院之規寧擴毋隘足可展也寧木毋草時

可久也又去百武另架數椽棲惡疾者使毋染又

距里許沿傳乞人業繩者役于官亦隸濟院而分

處者添屋三間使無偏傲王制瘠糞器食意也時

予將之楚復備賑米百石貯縣倉檄其計口量給

若繼而不常饗適守與令賢者事也工竣略綴數

語記之如曰此不足容又有余建廣濟院在

又重建桂林府廣濟院碑記舉天下之人而使之

有食有居則養濟一不設可也曷取乎廣廣之

矣究不能盡天下之人一一而食之居之則不廣

可也又曷取乎廣嗟乎山前之言必如古者二十

授田六十歸田而不井則不均是新莽亂天下之政也不可訓也由後之言必竭其膏澤焦勞一堂施不博不如勿施濟不眾不如勿濟又堯舜其病之心也而寧置也桂林養濟院外出東門一里棲霞寺右墻厠舊設有廣濟一所昔之人廣之備矣余欽恤之暇謀興養濟院因人衆屋少又尋舊地沿其昔人之廣而廣之焉木石所需半於養濟院祇得屋拾三間而觀之亦可容若干人米貯縣倉僅使無饑而已兩上齊舉不日俱成贊其美而勞其經營者守若令與司幕之功均不容泯也若不能盡一郡之窮民而食之居之則廣之猶未廣

臨桂縣志卷一

五

也吾過矣吾過矣願以待夫後之君子

榮獨院一在城內水車巷爲北院一在南門外爲南院康熙五十三年巡撫陳元龍捐建育嬰堂在東關外阜成書院西康熙五十三年巡撫陳元龍建久圯今改建於麗澤門內

陳元龍創建養學育嬰堂榮獨院記西粵遠在嶺表下之人狃於積習苟且荒略而在上者有宜興舉之政缺然未備予以白髮儒臣奉

命撫此一方已歷四載伏念我

皇上大德深仁無遠弗届邊方生齒日蕃耕鑿漸滿已蒸蒸乎有既庶且富之象矣而結譟之聲未聞佚

居可慮爰設養學十有七延貧士爲之師集門里之童子而教之秀者可造樸者亦使知親遜禮義也至育嬰堂奉

旨通行已久因擇東郊官地建堂兼施藥餌今日無棄嬰異日增戶口矣又念餒寡孤獨文王行政所首先者適於城北創屋一區以收養之庶無告得所歸也省曾守令事繁而郡丞稍暇黃丞名之孝者勤敏實心遂專以委之不數月而里巷書聲不絕於耳矣遺棄嬰兒失母而有母矣榮獨者不憂凍餒矣予喜而嘉之郡丞又進而請曰此三事歲需官錢若干緡創之難守之不易不圖經費無以善

臨桂縣志卷一

六

後也予惺然率先倡捐藩臬及在城郡邑官吏樂善爭輸共得白銀三千金令有司權其子母以供三事之公用有監賈余聖言願效轉運輸息於官以襄善事乃告諸神明召集耆庶而付託之典守責成有專司上下案牘昭然不可泯自此月給歲供無虞匱乏也已予才短力絀規模莫創殊慙狹隘所望後賢之官斯上者與此邦之士大夫相與擴充而潤色之則風移俗易瘠土之民眞勝於沃土矣

又創建育嬰堂詩

聖治重仁育保民如保赤矧茲眞赤子能不加愛惜粵

士多遺嬰戶口不增籍匪厥父母忍其故在貧瘠有力能活之無乃長吏責七星巖之陽夷曠地多隙捐貲構廈屋可貯兒數百保姆有衣糧醫藥有儲積襁褓分縱橫背負兼臂掖始或啼呱呱繼乃笑啞啞一堂皆陽春生氣盎牀席豫知廿年後繁庶倍往昔創舉不避勤垂遠有成格作詩告來者毋視爲陳迹

星分

晉書天文志魏陳卓分郡國所入宿度零陵入軫十一度

宋蔡戡曰晉志以零陵爲入軫十一度而始安屬零陵

臨桂縣志卷一

七

郡靜江當軫之十一度矣且軫四星之中別有一星名長沙而禮記正義所引緯書考靈耀云一度二千九百三十二里有奇軫星共十七度今長沙去此纔一千餘二十里則靜江當軫之十一度斷可識矣

大清一統志桂林府天文翼軫分野鶉尾之次

機祥

舊志寶歷元年秋七月慶雲見於西方自卯及丙南北極望萬狀競變五色相鮮李渤爲圖以獻

案事見唐韋宗卿隱山六洞記

唐書五行志武宗會昌元年四月桂州有馬生駒三足

能隨羣牧

宋史五行志宋淳化元年冬十月桂州虎傷人詔遣使捕之

咸平五年正月桂州甘露降

大中祥符元年春正月桂州甲仗庫災

慶歷四年五月桂州甘露降

金通志神宗元豐二年十二月桂州甘露降

案宋史五行志熙寧元年距元豐八年甘露降

凡二十餘處此豈其一耶

舊志徽宗崇寧四年夏六月大水平地水深一丈

宋史五行志高宗紹興十六年靜江府城北有奔犢以角觸人於墻腸胃出牛狂奔兩日不可執卒以射死十

臨桂縣志卷一

八

七年十二月辛亥靜江火燬民舍甚衆

元史本紀泰定帝三年十二月靜江象州諸路饑

舊志順帝至元乙亥醫學前池蓮開有並頭

案乙亥至元元年

元史五行志至正八年五月庚子廣西山崩水湧灘江

溢平地水深二丈餘屋宇人畜漂沒十年六月戊申臨

桂縣無雲而雷震死邑民廖廣達十一年秋七月靜江

路大水決南北二陡渠十四年靜江等郡大饑人相食

十七年冬十月靜江路東門地陷城東石山崩

舊志明武宗正德五年冬十一月灘江冰合十四年桂

林柳州大饑

舊志世宗嘉靖四年冬十二月桂林府都司地陷大門左旗轟廟前皆有聲如雷陷地一穴濶二丈五尺深一丈次日離前穴三丈許復陷一穴濶二丈深二丈有青氣一道上衝長尺始散粵西叢載三十五年夏彗星見桂林舊志四十二年夏六月十四夜有流星如雨自東南至西北粵西叢載四十三年龍隱山崩舊志冬十一月夜月明而大雨雹十二月古田賊首韋銀豹越城金通志穆宗隆慶五年六月桂林龍隱山白晝獲虎是歲獨秀山崩石一丈餘布政司地陷六年夏五月大水堯山崩

舊志神宗萬曆五年彗星見西方其長亘天尾直射月

臨桂縣志卷一

九

宮光芒燭天數日不滅冬又見次年大征府江金通志六年春正月臨桂縣東鄉冷水村地震聲如雷陷周廣約十丈深不可測十七年桂林地震如雷粵西叢載三十二年夏五月二十八日夜桂林地震六月初九日又震八月二十六日又震十一月又震舊志三十五年彗星見三十九年二月大風忽起西北天色黃赤不移刻冰雹大墜如碗如盤壞官署民居屋瓦殆盡林麓鳥獸死者無算四十六年全省大旱民飢死者白骨盈邱八月至十月每夜東方見一巨星長丈餘空中懸有白氣形如刀鋒長矛又如白布自北鋪南竟天
舊志泰昌元年九月二十二日天鼓鳴天裂閃光如晝

有聲如雷

舊志莊烈帝崇禎十二年己卯五月初八日地震有聲國朝順治七年大旱次年斗米千錢

康熙三年彗星見於瑞雲西山八月有白氣如帚自西北起竟東南天半金通志十三年春桂林府龍隱山崩安定門外山亦崩冬十月初九日東南天鼓鳴有聲如雷有等橫空而過是時孫延齡作亂十七年春三月大雨雹小者如彈大者如碗如米升破屋削木林麓鳥獸皆斃城西南五十里為甚十九年冬十月每夜戌時有星見於西方光芒如練尾指東北長數十丈一月始沒二十七年春三月桂林大雨雹城西南尤甚

臨桂縣志卷一

十

新采雍正元年八月十字街火延燒過樵樓金通志八年桂林府各屬嘉禾生十年藩司署自春及夏芝草叢生六月初四日午時臨桂縣民見日麗中天輝如華蓋五色環匝光明勝常初十日午刻復見如前為時更久巡撫金鑣繪圖以進十一年夏藩司署芝草生九本蟬聯五色備狀新采八月初一日十字街火初二日東鎮門火藥局災死者二十七人腸胃肢體皆掛樹間
乾隆五年九月東江門外廟巷口災延及城內十三年夏秋疫盛行死者枕藉禾熟委隴畝過時無人刈穫乃大稔十六年夏大旱米價昂貴人食樹皮至秋得雨禾生芴莖結實豐收二十二年十一月司門口災踰樵樓

延數百家二十三年地震二十六年二月十一日晚大雷雨雹如鷲那城鄉屋瓦悉破碎麥苗菜甲狼籍殆盡二十九年四月十一日大水城外通衢可浮舟居民深沒無算天柱山有前人記水痕茲復高尺許云三十四年七月彗星見自西至東長數十丈初出有聲積十餘日始沒四十二年大疫四十七年三月初一日地震屋宇動搖有聲踰刻乃定五十年秋月彩雲見凡三日五十一年六月東鄉竹有實五十二年夏大疫五十八年早米斗錢五百餘文五十九年五月十八至二十七日大雨水暴漲廬舍多崩塌六十年復大水米貴鄉人食竹實嘉慶二年秋七月上旬慶雲見東南五色如鳳凡

臨桂縣志卷一

土

三日

氣候

范成大桂海虞衡志南州多無雪霜草木皆不改柯易葉獨桂林歲歲得雪或臘中三白然終不及北州之多靈川興安之閒兩山踔踞中容一馬謂之嚴關朔雪至關輒止大盛則度送至桂林城下不復南矣

唐杜甫寄楊五桂州詩五嶺皆炎熱宜人獨桂林梅花萬里外雪片一冬深聞此寬相憶為邦復好音江邊送孫楚遠附白頭吟
宋范成大次韻陳仲思經屬西峰觀雪詩仙人灘江游剪水馮夷宮寶友來鄒枚寒轡搖冬瓏起望

天南陸玉沙滿長風越人來省識把酒醉層空從來嶠南北人謂將無同那知梁園霰飛入瑞雪中幕府有清士尊僧上西峰六花信娟巧未及五字工我亦滌冰視課虛貴新功莫嗤兩隴儒毫端尚清豐

臨桂縣志卷一

三

范成大詩并序乾道癸巳臘後二日桂林大雪尺餘郡人云前此未省見也郭季勇機宜賦古風為賀次其韻憶昔北征秋遇雪穹廬苦寒不堪說飛花如席暗燕然把酒悲歌度佳節胡兒館客類西河鉅戶不容浮蟻泄當時已分餐毡李寧復夢游炎嶺熱忽逐梅花行萬里又與故山輕話別天公恐我愁瘴霧十日號風吹石裂同雲乃肯度嚴關一夜玉峰高曠曠老榕蒼密最先編稱竹枵虛時一折須知桂海接蓬瀛滿目三山白銀闕不管樓高翠袖單但嫌酒淺金杯凸東郭先生屐雖做詩情却闕冰壺潔歸撚凍髮搜好句山館青燈對明滅為憐吁氣到黃茅何止森森松栢悅豐年作守會飽煖羈官思歸自愁絕豈無菊徑樂琴書亦有秫田供麩粟東風雪後一犁春誰在岐頭憶調羹范成大大雪示桂人詩臘雪同雲嶺外稀南人北客盡冬衣從今老杜詩猶信梅片飛時雪也飛明顧璘湘南二月大雪戲作春雪歌桂嶺長年冬

鬱蒸湘江今歲積春冰北人飲酒歌黃竹愁殺枕花與葛藤

國朝邑人黃明懿桂林瑞雪詩天心協帝德瑞雪應

時飄壓幹肥梅粒封根養麥苗捲簾浮玉宇走馬踏銀橋作賦亦何趣豐年景正饒

邑閩秀陳瑩英咏雪二首六花紛剪舞長空密密

形雲四望同映讀每勤君子志尋梅尤稱雅人風光侵綉戶窻先白寒逼薰鑪炭本紅粉黛山川如畫裡天然瑞景報年豐飛花零亂凍雲橫碎玉平鋪滿院明入夜霏霏飄瓦重迴風片片落堦輕聽前微映疎梅影枕上惟聞斷雁聲荏苒年光隨鷓

臨桂縣志卷一

盡寒催嶺樹又春生

邑人朱依程滿江紅咏雪詞春雨連朝怪一夜清

寒驟生驚飄暫暫停檐溜偷拂簾旌瓦際初拋珠的皜墻根時弄玉玎玲向漏聲深處轉無聞盈謝庭晨光內凝素瑛夕陽外冷春冰惹踏枝烏鵲頻繞疎檣無復鳴珂迷曲巷漫拈飛絮倚圍屏笑茗鑑難共黨家姬誰掃烹

虞衡志廣東南海有颶風西路稍北州縣悉無之獨桂

林多風秋冬大甚拔木飛瓦晝夜不息俗傳朝作一日止暮七日夜半則彌旬去海猶千餘里飛颶也土人自不知其說余試論之桂林地勢視長沙番禺在干丈之

上高而多風理固然也

宋劉克莊風宅詩風于天地閒惟桂尤其雄將由

巖竅多或見地形為不知起何處但覺來無窮浮埃晦白晝奇响擊半空一怒動浹旬小亦數日中城堞凜欲壓況此半畝宮嘗聞古至人御行猶輕鴻劉季晚可憐擊筇悲沛豐我老斷恐怕眠身等枯蓬飄擲付大塊奚必分西東

虞衡志二廣惟桂林無瘴自是南皆瘴鄉

周去非嶺外代答南人有言曰雨下便寒晴便熱不論春夏與秋冬此語盡南方之風氣矣桂林氣候與江浙頗相類過桂林城南數十里則便大異杜子美謂宜人

臨桂縣志卷一

獨桂林得之矣杜子美詩五嶺皆炎熱宜人獨桂林

梅花萬里外雪片一冬深蓋桂林嘗有雪稍南則無之他州土人皆莫知雪為何形

謝肇淛百粵風土記臨桂雖無瘴而苦霖雨自春徂冬十僅一霽故地濕而物易腐屋棟皆為蟻蛀夏秋酷暑多蚊蚋尤不可耐甚於閩廣四山多霧初至者每苦腹漲如蠱然嚼檳榔乃漸消

蘇濬氣候論晁錯曰揚粵之地少陰多陽李待制

曰南方地卑而土薄土薄故陽氣常泄地卑故陰氣常盛陽氣泄故四時常花三冬不雪一歲之內暑熱過中人居其間氣多上壅膚多出汗腠理不

密蓋陽不反本而然陰氣盛故晨昏多霧滂夏用
江一歲之間蒸濕過半盛夏連雨即復凄寒衣服
皆生白醃人多中濕肢體重倦多脚氣等疾蓋陰
常盛而然陰陽之氣既偏而相搏故一日之內氣
候屢變諺曰四時皆似夏一雨便成冬又曰急脫
急著勝似服藥氣故然耳大抵人身之氣通於天
地氣極北寒勝極南熱勝五嶺以南號曰炎方乃
其高岡疊嶂左右環合水氣蒸之故鬱而為嵐惟
全州近湖湘窮冬多雪氣候似中州而桂林次之
子美謂五嶺皆炎熱宜人獨桂林良不誣也

臨桂縣志卷一

五

州昭州宋時號為大法場今皆為樂土龍勝之
初闢也宜其土者死亡過半今生聚口繁忘其
為瘴鄉矣宅之久廢者多妖異其斯之類歟通
志謂永福在府治西南百里三冬仍有霰雪并
至封條積地邇者廣州亦聞有雪豈所謂地氣
自北而南歟

疆域

金通志臨桂縣附縣境東西距一百七十里南北距九
十二里東至白馬源接平樂府恭城縣界九十里西至
恭城接永寧州界八十里南至羊角堡接陽朔縣界
八十里北至烏金鋪接靈川縣界一十二里東南至粟

幕嶺接陽朔恭城二縣界七十二里東至海陽拜接
川恭城二縣界六十里西南至珊山峽接永福縣界八
十二里西北至鷲橋堡接義寧縣界六十三里編戶七
十五里

案舊志四至入到道里多舛今悉從通志臨桂
惟北鄉最狹考寰宇記邑有雙妃塚今乃在靈
川之半雲山距臨桂二十餘里蓋當時北境廣
於今云

臨桂縣志卷一

共

新通志六塘墟巡檢駐劄縣南陸路七十五里東至陽
朔縣城陸路九十五里水路一百四十里西南至本縣
蘇橋司陸路六十里西北至義寧縣城陸路一百四十
五里
蘇橋司巡檢駐劄縣西南陸路七十三里水路由陸河
至省一百三十五里東南至六塘司陸路六十里水路
八十五里西南至永福縣城陸路四十七里西至永寧
州城陸路一百一十五里西北至義寧縣城陸路六十
五里水路七十里

舊志臨桂為西南都會之首廣袤百餘里襟山帶河形
勝回固鎮南疊綵障其北七星屏風拱其東雉山南溪
峙其南寶積西山控其西獨秀直聳中城有王公貴人
之象堯山延袤近野若龍蟠虎踞之形灘水環東郭以
南奔陽江遠西城而東注象鼻巖鷓鴣結駝水日風氣凝

docsriver 文川网
入驻商家 古籍书城

在文川网搜索古籍书城 获取更多电子书

聚局勢迴環山川奇甲天下人文特盛他州猺獠無盤據之虞士民有寧宇之慶洵足領袖三江冠冕百粵也

廂里

附郭廂凡十

在城一圖 東一廂 東三廂

南二廂 南四廂 南五廂

西一廂 西二廂 西三廂

北一廂

東鄉里凡二十有八

東一圖 東二圖 東三圖

東四圖 東五圖 東六圖

東七圖 東八圖 東九圖

東十圖 東十一圖 東十二圖

東十三圖 東十四圖 東十五圖

東十七圖 東十八圖 東十九圖

東二十圖 東二十一圖 東二十二圖

東二十四圖 東二十五圖 東二十八圖

東三十一圖 東三十二圖 東三十三圖兼

東三十七圖兼

西鄉里凡三十有七

西一圖 西三圖 西四圖

西五圖 西六圖 西七圖

臨桂縣志卷一

七

西八圖 西九圖兼 西十四圖

西十六圖 西十七圖 西十九圖

西二十圖 西二十一圖 西二十四圖

西二十五圖 西二十七圖 西二十八圖

西二十九圖兼 西三十三圖兼 西三十五圖

西三十七圖兼 西三十八圖 西四十一圖

西四十二圖 西四十三 西四十四圖

西四十五圖 西四十六圖 西四十七圖

西四十八圖 西四十九圖兼 西五十圖

西五十二圖 西五十三圖兼 西五十四圖兼

西五十五圖兼

南鄉里凡二十有五

南一圖 南三圖 南四圖

南五圖 南六圖 南七圖

南八圖 南九圖 南十圖

南十二圖 南十四圖 南十五圖

南十六圖 南十七圖 南十八圖

南二十圖 南二十一圖 南二十二圖

南二十三圖 南二十四圖 南二十六圖

南二十七圖 南二十八圖 南二十九圖

南三十圖

臨桂縣志卷一

八

原按廂里在明正德間凡一百二十有九自明末以來

屢罹兵燹漸至殘敝迄今僅存百里且里中之糧或多或少數百石者或少至數十石及數石者其中可任差遣者七十五里而已里甲不均則徭役難平理固然也安得哀多益寡而更定爲畫一之制哉

臨桂縣

志總圖



東鄉

臨桂縣志卷一

西至都狼嶺接永寧州界八十里

西北至都狼嶺
接永寧州界八
十二里



西南至明峽永
福縣界八十二里

圭



臨桂縣志卷

圭

山圖

南鄉

臨桂縣志卷一



臨桂縣志卷一

北鄉

西

平鄉

臨桂縣志卷一

五



臨桂縣志卷一


美

世圖

水鄉

臨桂縣志卷一

毛



臨桂縣志卷一

天

山圖



沿革

漢書地理志零陵郡始安

案臨桂在漢為始安隸零陵

後漢郡國志零陵郡始安侯國

案二國吳孫皓甘露元年分零陵南郡立始安

郡治始安縣此臨桂為郡治之始

晉書地理志始安郡始安

宋書州郡志始建內史始安子相漢舊縣屬零陵

南齊書州郡志始安郡始安

案梁書武帝紀大同六年置桂州於湘州始安

郡受湘州督省南桂林等二十四郡悉改屬桂

州此臨桂為州治之始

隋書地理志始安郡始安舊置始安梁化二郡平陳郡
並廢大業初廢興安縣入焉

案始安梁化皆梁所置陳因之

舊唐書地理志桂州下都督府臨桂州所治漢始安縣
地屬零陵吳分置始安郡宋改為始建國南齊始安郡

梁置桂州隋末復為始安郡

唐書地理志桂州始安郡臨桂土本始安武德四年置
福祿縣貞觀八年省入焉更名

杜佑通典始安郡桂州今理臨桂漢始安縣

李志甫元和郡縣圖志臨桂縣上部下本漢始安縣屬

臨桂縣志卷一

零陵郡至德二年改為臨桂

吳任臣十國春秋地理表桂州臨桂舊縣

宋史地理志靜江府臨桂縣嘉祐六年廢幕化縣入焉

樂史太平寰宇記桂州始安郡臨桂縣漢始安縣元鼎

六年置屬零陵郡吳分置始安郡梁置桂州隋末復為

始安郡唐至德二年改為臨桂縣


王存元豐九域志下都督府桂州始安郡屬臨桂

歐陽忞輿地廣記下都督府桂州屬臨桂縣本始安二

漢屬零陵郡吳立始安郡晉以後因之梁立桂州唐因

之貞觀八年更名幕化鎮本幕化縣唐武德初年置曰

純化永貞元年改曰幕化後改今名皇朝嘉祐六年省



元史地理志靜江路臨桂上倚郭

明史地理志桂林府臨桂倚

案始安置於漢元鼎六年臨桂之名改于唐至
德二載隋以前臨桂封域兼有今桂林一府之
地後分置陽朔恭化永福全義靈川諸縣其境
地乃與今畧同

臨桂縣志卷一

臨桂縣志卷一

下

臨桂縣志卷一

山

桂海虞衡志余嘗評桂山之奇宜為天下第一士大夫
常南者少往往不知而聞者亦不能信余生東吳而北
撫幽薊南宅交廣西使峽城之下三方皆走萬里所至
無不登覽太行常山衡嶽廬華皆崇高雄厚障有請峰
之名政爾魁然大山峰云蓋強名之其最號奇秀莫
如池之九華歎之黃山括之仙都混之屬蕩蕩之巫峽
此天下同稱之者然皆數峰而止耳又在荒絕僻遠之
處非几杖間可得且所以能拔乎其萃者必因崇岡復
嶺之勢盤亘而起其發也有自來桂之千峰皆秀無延

臨桂縣志卷一

緣悉自平地巖然特立玉筍瑤簪森列無際其怪且多
如此誠當為天下第一韓退之詩云水作青羅帶山如
碧玉簪柳子厚嘗家洲記云桂州多靈山發地峭壁
立四野黃魯直詩云桂嶺環城如鳳蕩平地蒼玉忽
巉巖觀三子語意則桂山之奇固在目中不待余言之贅
頃常圖其真形寄吳中故人蓋無深信者此未易以口
舌爭也山皆中空故峰下多佳巖洞有名可紀者三十
餘所皆去城不過七八里近者二三里一日可以徧至
嶺外代笠山谷詩云桂嶺連城如雁蕩平地蒼玉忽
巉巖唐人謂兩地不如陽朔好碧蓮峰裏住人家雁山展
游矣桂山得雁山之秀雁山不若桂山之多若置諸大

龍漱龍鼻泉之側則雄偉之氣於矣桂山之高曾不及

雁山之半故無尊雄之勢謂可與相頡頏者過矣乃若
陽朔諸山唯新林鋪左右十里內極可賞愛青山綠水
團樂映帶煙霏不似空翠撲人面面相屬人住其間真
住蓮花心也桂林負郭諸山頗不及耳夫其尖翠特立
無不拔地而起綿延數百里望之不見首尾亦云盛哉
又云石湖嘗評桂山之奇宜為天下第一及攷唐韓退
之詩云水作青羅帶山如碧玉簪柳子厚嘗家洲記云
桂州多靈山發地峭壁林立四野觀瞻人品題桂林之
意端不誣矣山皆中空故峰下多佳巖洞神剎鬼刻高
者憑崖如化城下者穿隧若水府大者可建五丈旗小

臨桂縣志卷一

者猶可容十客或浮為湖漕或內通舟楫去城不過七
八里近二三里几杖間可以徧覽
明田汝成觀賀將行遊廣西諸山記略皇上建大
本貞萬邦故事省官表賀而予以序見行擬便歸
觀喜不可言適以閏七月朔日丙申發左江越十
四口已酉至桂林時屬郡表箋未集予欲乘暇遊
遊諸山而省寮方以簿書交際參差莫偶予笑謂
蒼兒曰乃翁乘輿獨往爾十七日壬子游疊嶺出
中空斗折石戶磅礪凄風逼人炎暑屏息故又名
風洞也緣北崖則江上諸山簌簌如畫南麓聚景
亭所見如北隔而昭曠過之遊繞寶積山穿華景

峭空明軒敞可布八九筵前瞰方塘秋水澄澈後
臨絕壁有平石可坐三四人爲飛雲閣右崖臥龍
岡有諸葛武侯祠疊綠寶積二山皆在城中其南
麓大街山脊隱隱隆起有碑書桂嶺二字宋所立
也其時帥守監司過此卽有任子思然此不在石
嶺之數子既還憩洞中徘徊倦起宗室經舍者以
榼酒盃菽餉予曰聞君發興願助豪襟便與藉盤
石笑飲三觥而去翌日矣丑陸選之李稚大聞之
以詩嘲予有貪奇凭枯籐畢竟忍枵腹之句予續
占一聯云離群屏喧譁會意屬幽獨二君笑曰將
爾我輩獨無豪襟邪會給事中朱敬之廷臣以使

臨桂縣志卷二

三

淨入省者寮視允緒洪玉方輩約予酌朱君隱山
予曰昨望虞山有奇起已神往矣姑畢我願乃追
隨爾遂出北郭五里許陟虞山謁舜廟廟後爲二
妃祠祠後爲韶音洞南軒張敬夫所開發也石門
筆隘中長十有三丈朗然虛明北戶清江橫前水
石相激爽氣披襟爲皇澤灣以小筏沿江南轉爲
黃陵洲洲上竹樹蕩鬱可風並岸爲南薰亭瞻對
江山秀色可攬遂繞城西去十里許憩張氏園副
總兵公別墅也其植多榕多簕簕之竹少選徑田
中入朝陽洞則朱君暨省寮成集矣隱山舊有六
洞惟此可尋懸磴脣起北戶絕壁百尺俯視木杪

洞中有磐石勒爲棊枰俗稱爛柯石山下舊爲巨
湖七百餘畝唐刺史李渤所開可以方泳菱荷烟
雨綠鴉牙橋景物之美吳武陵記之甚詳尋就埋
洞宋經略使張維復濬之滴水瀉溢增置臺榭植
竹藝卉侈於前觀元季爲田迄今荒壤蔓草狼藉
狐兔之居惟蒙溪深澗猶存一帶陵谷遷易亦可
歎也遂携榼而西穿回龍洞洞口廣坦可布六七
筵浚澗中斷駕板橋渡之攀蘿陟巖有亭翼然時
返照射人涼颺揚袂洪君曰振衣千仞岡此其近
之衆曰然遂揮翰揭之爲振衣亭也循崖右轉扶
竹欄而下過藥師寺謁慶元伯祠伯李氏孝穆皇

臨桂縣志卷二

四

太后父也爲賀縣龍塘村人后初以俘媛入侍實
誕敬皇甲寅借諸僚及朱敬之遊七星山去城東
里許錯落如北斗之形下爲玄風洞陰氣熾烈盛
暑如躡履冰凜凜不可久處傳曰空谷來風又曰
盛怒土囊之口然諸窟洞亦有無風者豈地脉差
殊與宗室約張爲子言崑洞冬時溫如附火蓋陽
伏之徵也繞而西爲棲霞洞內極寬衍兩岸石乳
凝結刻畫呼喚若翠漬潤若佛剎畫壁頂懸金鯉
鱗尾狎獵勢欲騰鶻稍深卽窈黑秉炬而入所見
益奇瓌瑋百態其最肖者漁父施屨偃蹇踏船彷彿
若畫中多岐路云通九疑然未有探極者洞口

有老君像傳唐明皇所置故又名仙李崑崙前有齊雲碧虛二亭今廢矣僕從亦貪奇擁入迷失道者六人經宿不可出翌日乙卯以燭出之遂偕都指揮使顧良弼以小艇穿水月洞泊普家洲洲上舊有亭樹乃唐都督裴行立所營而柳子厚爲之記者今皆蕩滅而環山洞江夸奇競秀之景猶存舊觀遂遊龍隱崑崙口臨江水深莫測仰視其上

臨桂縣志卷十

五

有龍迹天矯長竟數丈鱗鬣宛然疑龍蛻去迹印泥上久而化爲石也左有石屋寬朗可容百人頂鑄元祐黨籍一通以司馬光爲首豈諸賢削迹龍蟄於斯與緣磴而上舊有驂鸞亭宋郡守范成大所創也今改怡雲亭稍北爲月牙崑捫蘿而上石磴數十級崖室半懸形如初月故以名也還舟過花橋泝灘水巖伏波山入還珠洞相傳昔有漁翁入此遭睡龍竊其珠懼而還之龍猶未醒也又言馬援征交趾載薏苡而還旁有石柱去地不合者一線許乃伏波試劍石云此皆幻妄無據今洞中石上有巨人迹紋理如刻復有紫白二蛟長數丈蜿蜒相向有圓暈如珠直其首豈還珠所起名與舍舟登道遙樓望海陽山湘灘二水所自出也同原別流南北分瀉灘水南下繞桂林合癸水激伏波山下諺云癸水繞東城永不見力兵項之屬郡

臨桂縣志卷十一

六

表箋已集乃卜翌日丙辰拜表導出東門還集風洞徑山中有二穴高數十丈仰望開然予曰其類怪物者邪披茅而上可四十步峻絕無蹊便棄履躡之入初穴宛轉達於高層倚穴下瞰掉眩欲墜洞中有石板橫施可容兩榻遂命之曰巢雲洞予既歷諸崑洞亟與蘅兒言之蘅俊癡請往予曰非吾之子烏知山水之情哉蘅固請乃遣兩卒導之數日而盡歸曰天巧有餘而人力不足移寘蘇杭之閒當絕品矣是夕宿舟中已未解纜三司會饒於東城日中而罷陸李二君謂予曰儀部同寮至此復散矣蓋陸君已得報轉廣東右布政使相對淒然遂聯棹送至普家洲而副總兵張君亦率舟出餞邀二君同行七八里巖岡雞山西濛俯竹一圍蒼翠可愛張君曰其下有君子亭舊年爲水推去予曰清陰若嶮何以亭爲遂攜榼藉草而飲薄暮三君別去時吏人已遣案牘已輪舉止蕭疎肩若弛擔移棹入南溪將游白龍潭喚不克登詣朝登焉崑屏呀豁略肖龍隱其西爲劉仙巖巖人劉仲遠飛昇之所乳竇窈窕爽氣淒清旁有履痕若拳躡之狀俗呼穿雲迹也還舟過發過南亭驛游甘崑崙若剖篲外窄中穹輪廣敞許以舳舻入焉西壁有泉側出渟滙崑中深可二丈下際沙磧游

魚如指者三五百頭往來追逐若與客戲者大抵
桂林崑洞爽朗莫如龍隱遠莫如棲霞而寒冽
寥寂兼山水之奇莫如甘肅名義無取殆以泉甘
之故而上人詭爲官崑不可解矣是夕宿崑下

案官崑卽冠巖今在陽朔縣界

袁表游桂林諸山記余到桂林者旬日卽下蒼梧
病瘴瘧還省上章乞骸骨不報臥病四閱月復出
視事乃七月二十日熊師子敬邀余觀劉仙崑出
城南七里得白龍洞俯瞰清潭石室窳然敞而高
唐李渤命曰玄崑宋更名白陽其陽卽劉仙崑也
相傳仙人劉仲遠居此歷磴而上洞府高寒旁有

臨桂縣志卷二

七

穿雲仙積雨崑望中陽朔諸山森若劍戟皆巖奇
目前應接不暇明日登桂山疊綵崑觀風洞歷華
景山下有洞深廣如厦屋轉寶積山山多怪石其
旁有吕公崑山之巔有諸葛亭或曰珠合無所考
又明日出就日門東北行十里餘得清泉寺復二
里謁堯廟復三里登堯山觀天子田山有泉分二
洞繞出堯廟淙淙可聽雜以松風如怒濤決浹桂
之山皆石此獨土蓋柱之鎮也是日復至七星山
入棲霞洞穿曾公崑而出桂多崑洞然深奧怪奇
未有逾七星者也復觀玄風洞而還二十五日將
趨全州至虞山謁舜祠觀韶音洞讀宋張南軒碑

記山石奇峻下臨灘江旁有渡曰皇澤灣洞口有
南薰亭唐朱刻石具存余嘗讀范石湖評桂山之
奇爲天下第一今乃知非虛夸也夫其千峰挺拔
怪奇誠天下所未覩也然猶恨其多險峭孤危而
無高厚蜿蜒之觀是以無有鍾靈萃淑卓然名世
者出乎其間而徒徭獠獠盤據窟穴枕戈負弩
以爲民蠹豈山川之險怪固生此類歟

董傳策游桂林諸崑洞記余閱宋范穆公成大桂
海虞衡志見其評桂山之奇以爲千峰峭然特立
旁無延緣而玉笋瑤簪其森列怪且多若此當爲
天下第一私竊意其爲過言乃今來遊桂林觀諸

臨桂縣志卷二

八

峰巒巖崑從平地削出數百千丈不假纖培而骨
相嶄然玉立劒峙衆態畢呈或半空開竅冥搜巨
淵或挺拔天表登頓無階其奇怪奪目驚心殆不
可具狀昔人所以論列猶爲不及云余得稍遊覽
其最著者采台傳志因爲撰次於左略諸瑣瑣不
記八月二十有四日余與吳子泊舟桂江西阜復
會張子子儀是日學憲殷石汀君邀余三人遊風
洞崑崑在疊綵山後石門礮礮峭壁劃裂下瞰平
野千峰競奇雲樹滂勃洞中陰風颯人毛漉漉起
立張子謂卽當盛夏無暑而殷君遠持殭起飲復
爲指點桂山三峰巖覆宛轉悉入曠界蓋竟日酬

docsriver 文川网
入驻商家 古籍书城

在文川网搜索古籍书城 获取更多电子书

眺馬賦得古體一首明日張子去余二人結纜伏
波崑崑突起殊高石懸如柱去地纔縛一線俗云
馬伏波試劍石八而有洞豁然約可容數十楊戶
窟穿透俯瞰灘水洞中踞石有巨人跡宛如刻紋
又紫白二蛇蜿蜒相向有浮石絡其頂大似老龍
戲珠洞因得名還珠或云馬伏波傾所載蕙苾於
此因賦近體詩折而遊眺水月洞洞門踞江圓如
滿月一統志稱濱江洞惟水月洞洞門踞江圓如
珠洞也已又登崖望獨秀峰孤標直聳頂平如蒼
玉正面凝然秀整側視果如卓筆校諸峰獨雄唐
張固詩所稱南州擎天柱者也其北虞山臨江有

臨桂縣志卷二

九

韶音洞宋張南軒先生有記刻崖間又明日遊隱
山六洞余憶寰宇記唐李渤出鎮桂管見石門大
開有水泓澈迺疏鑿崑崑穴石林磴道若天造靈府
不可窮詰因名隱山蓋卽其地也山上大洞爲朝
陽夕陽南華北牖嘉蓮白雀洞各一天朗敞如厦
屋雲門逶迤亘薄野外俯跨田疇絕幽雅真寰中
勝概也唐吳武陵韋宗卿俱有記由隱山轉出去
七星崑崑甚近余二人復挈周山人李生往遊焉崑
有七峰列如北斗旁垂小峰如輔星緣磴而上山
半有亭曰簪帶亭其下爲會公崑崑山根石戶中有
澗水伏流宋曾布帥桂跨澗爲石橋因以名崑橋

下水聲冷冷寒氣侵肌橋側有石乳雙懸如垂蓮
頽雲危欲下壓度橋有石池在昔鱗遊其中今水
稍涸復過野田數十步路偏窄不甚可通類視有
石罅尺許匍匐而進忽更高廣其側徑可詣棲霞
洞洞旁水清淺不流岸塹如削余二人從石門而
入頓覺坦夷爽塹約可列坐數十人其上石乳凝
結下復有洞名玄風初視洞口甚低遊者秉炬捫
壁以進天門三層層各三耳前阻大壑不可渡有
路北行頽僂而前數步復寬行兩旁十餘丈石柱
下垂如玉簪珠旒曲折躡攀所覽觀彌奇高牙斷
霓從空欹落斗室陰崖森幽徹髓從者慄慄持酒

臨桂縣志卷二

十

桂爲各酌一巨觥復行食頃珍窩怪石交撐層時
殊形詭狀盤巖嶺頓其中詩者難工畫者難巧卽
遊人猶錯迕相望稍認漁網燈檠無量佛道遙
牀獅象駱駝神工斧出宛肖人閒世所有又踞老
君像甚古唐人因號爲仙李洞張成子詩刀圭影
觸金丸彈謂洞中景也洞倚層崑極玄遠扣其響
石如鐘鼓鳴余輩數人語笑聲如大壺中聞雷宵
隔塵世而崖棧開澄水一泓滙成深淵路滑蒸崎
嶮側行絕險凡三里許始從頂上出世傳穴通九
疑山以故其秘奇特甚余意天壤閒仙靈所棲或
未必勝此卽桂山多奇然如風洞之陡然壁出朗

明相屬跨爲六洞已益奇至如七星崑轉折獻勝
重以玄風洞幽邃不易究竟又其最益奇者也劉
牧詩陰崖走別洞陽嶺帶迴溪信然信然歸舟各
賦近體詩夜深方就寢明日起眺江涯將復遊他
所適巡院藩臬諸司出貢院來訪於是諸舉子亦
來而奏生者道其父發解時遽棄去遊仙不復返
今其母尙在也余笑曰粵山好奇乃其人豈亦好
奇若此午後往東北遊屏風崑斷山高聳中有平
地亦甚敞鐘乳倒垂透石穴而出山川城郭恍然
如在壺中范成大建壺天觀空明崑刻名於石又
東遊觀龍隱出灘水分繞其旁下有洞深奧莫測

臨桂縣志卷二

十一

龍迹天矯然印其上於時桂林諸崑洞之奇大略
已得遊惟華景洞在城中通近王公府遂不復入
而堯山有堯田特以桂山名石惟此獨積土蓋無
他奇焉日晡放舟象鼻山在訾家洲之西突起
水濱厥形類象余輩方箕踞眺笑適藩參洪方洲
君臬僉向懷葛君載酒來尋適歡飲至夜分而別
明日發舟下西南境入戍所道中山水猶奇迥更
瘴靄迤靡四望荒落猿吹猿嘯聽之淒淒然余顧
益猛有躊躇愧戩靡非其柄也因憶姑蘇袁承之
氏遊桂山記謂其山石險峭宜生蠻獠狉種之類
爲民害又意淑詭奇偉之氣不鍾之人而鍾之物

余以爲不然夫人寰風氣寢開拓荆蠻於越曩亦
榛疆八桂雖遙良非殊域且石巖巖等耳失之邪
或歸險峭得其正堪秉孤貞彼其人靈心故在也
抑天王統壹區寓覃牧黔黎詎應鄙夷絕徵中謂
必難振禮教古今俗移須政植政維人特思分疆
宰割者未暇經籌云爾夫山川草木夷裔之主非
其人誰當焉又安知入桂諸崑洞之開異時不有
賢豪士出而剪除荒穢興起斯文與天壤相終始
也漫并附麗之記中庸諗後人之好遊者因復得
粵西山水歌一篇云

臨桂縣志卷二

十一

宋黃庭堅過桂州詩桂嶺環城如雁宕平地蒼玉
忽嗟峨李成不生郭熙死奈此百嶂千峰何
戴復古觀靜江山水呈陳魯叟漕使詩桂林佳絕
處人道勝匡廬山好石骨露洞多巖腹虛崢嶸勢
相敬温厚氣無餘可借登臨地春風草木疎
劉克莊初遊水東諸洞次同遊韻二首桂山前未
到今日是初遊招鶴登青巘呼龍俯碧湫深溪通
乘炬小竇劣容舟豈敢輕題咏同官盡柳劉 舊
聞巘洞勝欲往自翫年聳秀過靈隱幽深似善權
遠環州堞外近獻星簷邊倘有登臨約時時願執
鞭
明韓雍桂山詩桂山何奇哉峰巒起平地星羅數